



Nuuk 8. oktober 2018

Jens Napätôk, Partii Naleraq

Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq.

(Ilinniartitaanermut, Kultureqarnermut, Ilageeqarnermut Nunanut Allanullu Naalakkersuisoq)

Ilisimatusarfik pillugu Inatsisartut inatsisissaattut siunnersuut Naalakkersuisut sinnerlugit Ilinniartitaanermut, Kultureqarnermut, Ilageeqarnermut Nunanut Allanullu Naalakkersuisumit saqqummiunneqartumut, Partii Naleraq sinnerlugu ima oqaaseqaateqassaagut.

Inatsisissamat siunnersuut oqaaseqarfiginninnerani Partii Naleraq sinnerlugu naqissuseqqissavarput isumaratta ilinniartitaaneq nunatta ineriartorteqqinnerani sukarsuit pingaaruteqarneqarnerpaat ilagilluinaaraat.

Partii Naleqqamiit isumaqarpugut ilinniartitaanermut sinaakkusiarisat pitsaanerpaaffiniitinnissaat anguniartuartariaqartoq.

Ilinniartitaanikkut ilisimatusarnikkullu siuarsaajuarnitsinni, qulakkertussaavarput kalaallit nunatsinniittut amerlanerujartuinnartut qaffassinerusuni atorfinni sulisorilernissaat, taamaamat Kalaallit qaffasinnerusumik ilinniarluarsimasut amerlisarsuuartuartariaqarneri nangittumik pimoorlugullugu inerisaavigiuagassatta pingaarnerit ilagilluinnaraat Partii Naleqqami isumaqarpugut.

Nunatta inuisa pitsaanerusumik aammalu nunap inuinit naleqqunnerusumik kiffartuunneqarnissaanut, nunarsuarmioqataalluta ineriartoqqinnitsinni peqataajartuinnarnitsinnilu sakkut ilagilluinnarpaat ilinniartitaaneq.

Qaffasinnerusumik ilinniagaqarsimasut atugaat, aammalu taamatut ilinniarfinnut atugassarititaasut pitsaanerpaaffiniitinnissaat pingaruteqartorujussuuvoq, taakkumi siunissamat aningaasaliineruppummi tamatsinnut iluaqutaasussannortussat.

Ilinniarneq pingaartumillu qaffasissumik ilinnigaqarneq siunissaq qaninnerusoq ungasinnerusorlu isigalugu innuttaasut periarfissaanik allatigullu pitsaanerusumik taamatut ilinniagaqalersimasut atugarissaarnerulernissaanut aqutissat sakkut pingaarutillit ilagilluinnagaattut tamanna isigaarput.

Qaffasinnerusumik ilinniagaqartut atugaat taamatullu inuttut ineriartoqqittuarnissaat pikkoriffigis-riaqarluinnakkatta ilagaat.

Nunatsinni qaffasissumik ilinniarluarsimasut pisariaqartitagut atorfittaartartut suli annikippallaaru-jussuuartut qaffasinnerusumik atorfinittarnissaat aqutissiuunnerusinnaasariaqarparput.

Nunatta ilinniarsimasut pisariaqartippai aammalu qaffasissumik ilinniarsimasut atorfissaqarneri piinnarnagu atorluarnissaat iluaqutigilernissaat aqutissiuunerunissai pisariaqarluinnarpoq.



partii naleraq

Taamaamat pingaartuuvoq aporfissat annikillisarnissaat periarfissaqarnerilu annertusartuarnissaat, amerlavallaarujussuarpormi suli unititsiinnartartut aaqqinneqarsinnaagaluartut eqaannerusumik periarfissarsiorneqarsimasuugunik ingerlaqqissinnaagaluartut.

Ilinniarfiit pitsaasumik sinaakutaqartinnissaat pingaartueqarluinnarpoq, Kalaallit Nunaanni ineriartoqqinnermi ilinniartitaanermi ilisimatusarnermilu periarfissat annertusarneqarnissaanut aqqutsiuisut pingaarnersaat.

Tassani aamma ilaalluinnarpoq uani Iisimatusarfik pillugu Inatsisartut inatsisissaattut siunnersuut.

Siunnersuummi annertuutigut Iisimatusarfik tungavigineqarpoq, taannalu annertooujussuarmik pingaaruteqarluinnarlumi inissimasuuvoq siunissami kalaallit ilinniarluarsimasut aqqutissiuunneqaannaratik tukertitserinnissaanut.

Iisimatusarfik maannakkut 750 missaanik ilinniartuutilik 100-llu missaanik sulisulik Kalaallit Nunaanni ilinniarfiit ilisimatusarfillu annersaraat.

Inatsisissami siunnersuummut Iisimatusarfik aammalu qaffasinnerusumik ilinnigaqarnermi suliaqartut susassaqtullu tusarniarnermi ingerlatsivigineqarsimaneri aammalu ilaatigut naaperiarneqarsimaneri maluginiagassaavoq.

Inatsisissaq ilaatigut imaqarpoq Rektorimut, rektorip tullersortaanut, instittuni aqutsisunut kiisalu immikkoortortani aqutsinut, taakku ilinniakkatigut piumaqaateqarfigineqarneri qaffasinnerulissasut, tassalu siornatigut kandidatit ilinniarsimanissaq maannamut piumasaqaataasimasup qaffannissaa siunissami inuttaalertussat ph.d-mik ilinniagaqarsimasuunissaanut.

Taamatut ikaarsaarnissamut Naalakkersuisut innersuussutigisimagaluarpaat ukiut tallimat atorneqassasut. Tusarniannermilu ersarissaassutigineqartut toqqammavigalugit ph.d-tut ilinniarsimasut naammattut suli pigilersimannnginnatsigit maanna inatsisissami siunnersuummi oqaasertaliunneqarluni tamanna ukiuni qulini pilersikkiartuuaarneqassasoq.

Partii Naleraq sinnerlugu isumaqarpugut mianersuutigilluinnartariaqartoq aammaarluta nammineq inorsilluta piumasaqaasiussanngitsugut siunissami atorfititsisarnissatsinnut. Tamanna taamaamat kaammattuutigaarput ataatsimiititaliani nalilersorluarneqassasoq, ilaatigut ukiut qulit iluanni naammattunik ph.d-imik ilinniagaqartut naammattut pigilersimanissaat qularutigineqassappat ukiunut qulinut inissinnagu ukiut qulit qaangiunneranni nalilersorneqaqqittussanngorlugu aaqqinneqartussanngorlug.

Tassa ukiut qulit qaangiuppata tusarniaanikkut ilumut piffissanngorsimanersooq aammalu kalaallit Naunatsinni naapertuuttumik naammattunillu ilinniarluarsimasunik taama qaffasitigisumik peqalersimanersugut qulakkerneqavinnerani tamanna taamanikkussamut naqissuserneqarsinnaanngorlug aaqqiinikkut.

Nunatsinni Iisimatusarfik ilinniarfiit qaffasinnerpaamik inissimaffigaat aammalu pitsaanerunissaanut pisortat sulillu pitsaalluinnartumik suliaqarlutillu angusaqartarmata tulluusimaarutissaapput, tamannalu taamatut inissisimanissaa tapersersortuariaqarparput



siunissamut pitsaasumik ineriartoqqinnissamut aningaasaliinerummat nunatsinnut annertuumik iluaqutaasumik sunniuteqariartuinnartussamik.

Taamaammat aamma pitsaassutimut piumasaqarnitsinnut naapertuuttumik sulisut pikkorissut ajunngitsorsiaqarlutillu atugassaqaartitaasiaqartut Partii Naleqqamiit isumaqarpugut, ilumoorsinnaanngilarmi Ilinniarnermi taama qaffasitigisumi piumasaqaatigut taama qaffasitigut atuutussanngortut Rektori, tassalu Ilisimatusarfimmi qullersaq mittarfiliorniarnermi atorfimmi saniatigut saniatigooralugu siulersuisuni siulittaasutut 750.000 kr.-inik ukiumut ajunngitsorsiasaqaartumut annerungaannngitsumik ukiumut Rektori aningaasarsiaqartinneqassasoq.

Nunatsinni ilinniarnermi taama qaffasitigisumi aammalu piumasaqaatinik taama annertutigisunik piumasaqaateqarluta inissiinitsinnut ilanngullugu aamma nalilersuinnarnagu tamakku piumasaqaatinut naleqquttunut aaqinneqartariaqarlunartut ilagigaat.

Siulersuisut, ilinniagaqartut siunnersuisoqatigiivi kiisalu instituini siunnersuisoqatigiit pillugit maleruagassat annertunerusumik allannguuteqassanngitsut Ilinniartitaanermut Naalakkersuisup saqqummiinnermini oqaatigaa, tassungalu ilanngullugu aaliangerneqartoq oqaatigalugu siulersuisuntu ilaasortat avataaneersunit arfineliusuni minnerpaamik pingasut aaliangersimasunik Kalaallit Nunaanni najugaqartuussasut aammalu aaliangerneqarluni, siulittaasoq Kalaallit Nunaanni najugaqqassasoq, Naalakkersuisut taamatut aaliangiussaqarnerat Partii Naleqqamiit nersualaarutigerusupparput aammalu pissusissamisoorutut isigalutigu.

Mannalu iluatillugu nersualaarinninnerput pissusissamisoorneraannerpullu kaammattuutigerusupparput, Selskabiutitta siulersuisuinut tamanna aamma minnerpaatut piumasaqaatit periusigileqqullugu. Kalaallinimmi misigilittagaqartunik ilinniarnersimasunik piukkunnarlunartunik peqalereeratta.

Tusarniaanermi akissutigineqarsimasut Ilinniartitaanermut Kultureqarnermut ilageeqarnermut ataatsimiititaliami nalilersorneqarlunneqassasut Partii Naleqqamiit kaammattuutigerusupparput.

Tassunga ilanngullug eqqarsarnartoqartillugu oqaaserineqarsimasut tamaassa nalilersorluarneqassasut, ilaatigut, ilinniagartuut siunnersuisoqatigiivisa inuttalersorneqartarnerannut tunngasut, soorlu rektori aamma rektorip tullersortaa siunnersuisoqatigiinni ilaasortaajunnaarnissaat pillugu Naalakkersuisut siunnersuuteqarsimaneranut akissutaasimasut.

Taxameterordning-imik peqalernermut eqqarsarnartoqarneranik oqariartornerit aammalu atorfinititsisarnermi lektor-ip nalilersuisinnaanera periarfissatut taakkartorneqartut ilaalu ilanngullugit kaammattuutigaagut tamarmik nalilersorluarneqassasut.

Naggataatigut Partii Naleqqamiit naammagisimaarparput nunatsinni ilinniarnersimasut qullersaat Ilisimatusarfik pitsanngorsaaffiginissaa siunertaralugu suliniuteqarnerminnut tunngatillugu anguniagaqartumik inatsisissamik siunnersuuteqarmata.



partii naleraq

Partii Naleraq sinnerlugu pingartipparput Iisimatusarfik qulaaniit naalakkersorneqarani ineriartortitsinissamut isumaqatigiissusiorsinnaanermut nutaatut aaliangersaqarnerminnut Iisimatusarfik pitsaasumik suleqatigilluinnarlugu ineriartortitseqqissasut kissaatigigatigu.